

'S echti Glick

Die Froo' werd oft im Lewe g'stellt,
Wie's Glick zu pachte wär.

Die Antwort uns bis heit noch fehlt-
Wie bringt mr's Glick norr her?

Dee Mensch, dee find mr net so schnell,
Der glicklich sich noch nenne kann.
Wer's Glick sucht, tret' neescht uff dr Stell-
An's Glick kummt selte jemand dran.

Ich hann mich g'mieht un mih' mich noch
Un hoff, daß ich's bezwinge kennt';
Ich wart geduldig Woch for Woch:
Vielleicht iss mer e Preckl vrgennt?

Soviel Leit hann schun g'froot,
Ob se wirklich glicklich sinn.
'S wahri Glick, des is wohl tot?
Mr muß sich so zufriede ginn.

Ich selwer g'sieh's e bißl annerscht;
Ich saa's mit dem, der mich froot um Root:
„Mit'm Glick du täglich wannerscht-
'S echti Glick zeigt erscht die Not“

Matthias Weber